

LA USC DI LADINS – VENERDÌ 1 FEBBRAIO 2013

Scenar - Ert y cultura tla Ladinia

En jöbia ai 7 de forà dales 20.30, sarà da odèi sön la Rai TV Ladina na ediziun nöia de "Scenar". La trasmisciun é metüda adöm da Karin Pizzinini, cun la produziun de Jan Piere Karbon. I argomènc dla ediziun de forà à da fà cun musiga, cultura y leteratöra y pitöra.

Angela Palfrader - na musizista che chir trus nüs: Angela Palfrader é na musizista de gran valüta, che se prò cun súa pasciun por nes daidé capì che al é tröpes de beles manieres por fà musiga deboriada, poscibilitès nöies y scialdi interessantes.

Ernesto Majoni – laora por portè adöm le monn ladin: Da tröc agn incà se dà Ernesto Majoni da fà por le mantegnimènt y le svilup dla cultura y dl lingaz ladins. So travert é chël de cherié n punt danter düc i ladins. Le scri fej davèi pert de súa vita, cun sü scrié se pròl da nes portè n pü' plü daimprò nosc bel monn ladin.

Roland Moroder – depenj por vocaziun: Le depenje àl tl sanch, le cherié l'armonia danter i corusc, l'odèi fora la beléza dl detail, mo incè le dejidèr da mantignì por le dagnì chël che ne podess n iade nia plü ester. I chedri de Roland Moroder da Urtijèi ti lascia veramènter sintì a chël che ciara döt l'amur che l'artist à por l'ert y por la vita instèssa. La trasmisciun é sostignida dala Rai Ladina en colaboraziun cun l'assessorat ala Cultura Ladina dla Provincia de Balsan y dala Regiun Trentin-Südtirol. Informaziuns plü menüdes söi programs radio y TV Ladina pòn ciafè sön www.raibz.rai.it. Sön le sit sarà la trasmisciun da odèi por n'edema alalungia, en chësc iade fina ai 15 de forà.

Cun súa vidora prò la musizista Angela Palfrader da trasmète che al é tröpes manieres por fà musiga.

